



ბათუმის უნივერსიტეტი



შოთა რუსთაველის სახელმწიფო უნივერსიტეტის გაზეთი №6.03.2012.



გაიუს სვეტონიუს ტრანკვილუსის თორმეტი კვირის ცხოვრების თარგმანი, რომლის პრეზენტაციაც შედგა, ორიგინალიდან, ლათინური ენიდანაა შესრულებული, რაც კიდევ უფრო მნიშვნელოვანს ხდის ამ გამოცემას. მთარგმნელმა აღნიშნა, რომ ტექსტის ქართულ ენაზე თარგმნა დასრულებულია და მალე დარჩენილი ნაწილიც გამოქვეყნდება.

33. 3



„უნივერსიტეტის ბიოლოგიის დეპარტამენტის თანამშრომლები ჩვენთან ხშირად მოდიან სკოლაში, გვიკითხავენ ლექციებს ჩვენთვის საინტერესო საკითხებზე, გვაცნობენ ფაკულტეტის საქმიანობას, მნიშვნელობას. ამ ურთიერთობის ჩამოყალიბებაში დიდი წვლილი მიუძღვის ფაკულტეტის დეკანს მარინა ქორიძეს, ბიოლოგიის დეპარტამენტის ხელმძღვანელს დავით ბარათაშვილს, ფაკულტეტის საბუნებისმეტყველო მიმართულების სტუდენტთა ბიომრავალფეროვნების კლუბის ხელმძღვანელს ეთერ ჯაყელს, რისთვისაც თქვენი გაზეთის საშუალებით მათ მადლობა მინდა გადაუხადო.“

33. 4



თურმე ყოფილან ქვეყანაზე ადამიანები, რომლებსაც შეუძლიათ სტუდენტების გულის გათბობა და სასიკეთო საქმეების კეთება, ღმერთმა გვიმრავლოს ასეთი ლექტორები, უფალი იყოს მათი შემწე.

დაწყებითი განათლების კურსი ძალიან დიდ მადლობას გიხდით ოცნების ახდენისთვის. ეს დღეები მთელი ცხოვრების მანძილზე დაუვიწყარი იქნება ჩვენთვის.

33. 5

აჭარის მთავრობის თავმჯდომარე ლევან ვარშალომიძე და განათლების, კულტურისა და სპორტის მინისტრი გია აბულაძე სტუდენტებს შეხვდნენ



აჭარის მთავრობის თავმჯდომარე ლევან ვარშალომიძე და განათლების, კულტურისა და სპორტის მინისტრი გია აბულაძე ბათუმის შოთა რუსთაველის სახელმწიფო უნივერსიტეტის სტუდენტებს შეხვდნენ და ახალი და მიმდინარე მიზნობრივი პროგრამები გააცნეს. აჭარის მთავრობის დაფინანსებით სტუდენტების დახმარების მიზნობრივი პროგრამა შეიქმნა, რომელიც უმაღლესი განათლების პირველი საფეხურის აკრედიტებულ უმაღლეს საგანმანათლებლო პროგრამებზე ჩარიცხული სტუდენტების სწავლის საფასურის დაფარვას ითვალისწინებს. მრავალწლიანი პროგრამა ახალი სასწავლო წლიდან ამოქმედდება და მასში მონაწილეობის მიღება შეუძლიათ აჭარის მაღალმთიან რაიონებში მცხოვრებ სტუდენტებს, ობოლებს, მრავალშვილიანი და სოციალურად დაუცველი ოჯახის წევრებს. აჭარის განათლების, კულტურისა და სპორტის მინისტრის ტურიზმის განათლების განვითარების ხელშეწყობის მიზნობრივი პროგრამა შეიმუშავა, რომელიც მიზნად ისახავს საგანმანათლებლო ტურიზმის საბაზრო კვლევის შედეგებზე დაყრდნობით ტურიზმის განათლების რეფორმას, საგანმანათლებლო პროგრამების საერთაშორისო სტანდარტებთან შესაბამისობაში მოყვანას.

აჭარის ა. რ. განათლების, კულტურისა და სპორტის მინისტრი აჭარის მთავრობის დაფინანსებით 2006 წლიდან ახორციელებს უცხოეთში სტაჟირების მიზნობრივ პროგრამას, რომელიც ემყარება ევროპის რეგიონთა ასამბლეის გაცვლით პროგრამას „ევროოდისეა“. სტაჟირება ხორციელდება ევროპის 8 ქვეყანაში: საფრანგეთი, ესპანეთი, ბელგია, შვეიცარია, პორტუგალია, გერმანია, იტალია და ავსტრია. პროგრამაში მონაწილეობა შეუძლია უმაღლესი ან პროფესიული განათლების მქონე 18-დან 30-წლამდე ახალგაზრდას. პროგრამის ფარგლებში სტაჟირება სულ 80-ზე მეტმა მოქალაქემ გაიარა. 2012 წელს აჭარის მთავრობამ აღნიშნული პროგრამა დაფინანსა 40 000 ლარით და სტაჟირებას 15 ახალგაზრდა გაივლის.

2011 წელს აჭარის მთავრობის ინიციატივით შეიქმნა „განათლების ფონდი“, სადაც უცხო ენების შესწავლა შეუძლია აჭარაში მცხოვრებ ნებისმიერ მოქალაქეს 18 წლის ასაკიდან. 2012 წელს რეგიონის მუნიციპალიტეტებში არსებულ განათლების ფონდის ფილიალებში გაიხსნა კომპიუტერის შემსწავლელი უფასო კურსები.

2012 წელს სტუდენტებისა და უცხოეთში სწავლის მსურველთათვის დაიწყო 130 ქვეყანის 8 500 უმაღლეს საგანმანათლებლო დაწესებულებაში აღიარებული TOEFL-ის შემსწავლელი უფასო კურსები.

პელოსავი



რამინ ცინარიძე პირველი დოქტორანტია, რომელმაც ბათუმის სახელმწიფო უნივერსიტეტის აკადემიური საბჭოს მიერ დამტკიცებული სადისერტაციო დებულებით (ახალი მოთხოვნების შე-

საბამისად) წარმატებით დაიცვა დისერტაცია თემაზე — „რეგიონული საინვესტიციო პროცესების რეგულირების საფინანსო-ეკონომიკური მექანიზმი და მიენიჭა ბიზნესის მართვის დოქტორის აკადემიური ხარისხი. ცნობილმა მეცნიერებმა გივი გამსახურდიამ, ეთერ ხარაიშვილმა, ასიკო ცინცაძემ (შემფასებლები) მის ნაშრომს მაღალი შეფასება მისცეს. სადისერტაციო კომისიის ყველა წევრის მხარდაჭერაც ერთსულოვანი იყო, რისი დასტურიც მაღალი შეფასება გახლდათ.

33. 6

ქარსდათავაკაბულაის გახილვა



27 ივნისს ბათუმის შოთა რუსთაველის სახელმწიფო უნივერსიტეტმა 77-ე კურსდამთავრებულები საზეიმოდ გააცვილა. უნივერსიტეტის ისტორიაში პირველად, წარჩინებულ კურსდამთავრებულებს მანტიები მოარგეს, რომლებსაც სამასსოვრო სიგელები და საჩუქრები უნივერსიტეტის რექტორმა, პროფესორმა ალიოშა ბაკურიძემ გადასცა.

კურსდამთავრებულებს გზა დაულოცა უნივერსიტეტის რექტორმა, ალიოშა ბაკურიძემ, უმაღლესი საბჭომ თავმჯდომარემ მიხეილ მახარაძემ, აჭარის განათლების, კულტურისა და სპორტის მინისტრმა გია აბულაძემ, ბათუმის მერმა რობერტ ჩხაიძემ და ღლეს უკვე წარმატებულმა კურსდამთავრებულმა. 2012 წლის კურსდამთავრებულების სახელით მშობლიურ უნივერსიტეტს და პროფესორ-მასწავლებლებს მადლობა გადაუხადა ნინო ნაკაშიძემ და მის პრიორიტეტებზე ისაუბრა. კურსდამთავრებულების გაცილებას აბიტურიენტებიც სტუმრობდნენ, რომლებმაც უპირატესობა ბათუმის შოთა რუსთაველის სახელმწიფო უნივერსიტეტს მიანიჭეს.

ოფიციალური ნაწილის დასრულების შემდეგ უკვე ყოფილმა სტუდენტებმა ცაში მანათობელი ფრანები გაუშვეს. იყო საზეიმო ფორევერკიც. საღამოს ჟურნალისტი ნელი აგობა უძღვებოდა. ღონისძიების კულმინაცია ჯგუფ „მგზავრების“ კონცერტი გახდა, რომელმაც გვიან ღამემდე გასტანა.

SPEAK UP GEORGIA-ს პროგრამის წარდგინება



სააქტო დარბაზში ბათუმის შოთა რუსთაველის სახელმწიფო უნივერსიტეტის სტუდენტებისათვის Speak Up in Georgia-ს პროგრამის წარდგინება გაიმართა. ინგლისური ენისა და ლიდერის უნარჩვევების განმავითარებელი ორთვიანი კურსი მთელი ქვეყნის მასშტაბით საქართველოს სპორტისა და ახალგაზრდობის საქმეთა მინისტროს დაფინანსებით ხორციელდება. სასწავლო პროგრამის იხეთ მნიშვნელოვან საკითხებს მოიცავს, როგორცაა საჯარო გამოსვლა, რეზიუმეს წერა/ინტერვიუები, ინგლისური ენის სწავლების ეფექტური გზები, ბრენდინგის ხელოვნება, ლიდერობა ახალგაზრდებში. პროგრამის მონაწილეები კონკურსის წესით შეირჩევიან, დამატებითი ინფორმაცია გამოქვეყნდება ვებ-გვერდზე.



სახელმწიფო სკოლა - შავი ზღვის რეგიონის ქვეყნების სასაზღვრო თანამშრომლობა



შავი ზღვის რეგიონის ქვეყნების სასაზღვრო თანამშრომლობის თემაზე ბათუმის შოთა რუსთაველის სახელმწიფო უნივერსიტეტის, საქართველოს პოლიტიკის ინსტიტუტისა და ქალაქ ვენის მერიის ორგანიზებით საერთაშორისო საზაფხულო

სკოლა გაიხსნა. ქართველი, უკრაინელი, თურქი, სომეხი, აზერბაიჯანელი, რუსი სტუდენტები ოთხი დღის განმავლობაში ისეთ საკითხებს განიხილავენ, როგორცაა შავი ზღვის ქვეყნების პოლიტიკა და სწორი მმართველობა, მოსაზღვრე ქვეყნების თანამშრომლობა ევროკავშირთან და მმართველობა ევროპის ახალი მმართველობის მოდელზე. ახალგაზრდები ასევე იმსჯელებენ საზღვრებთან დაკავშირებული საკითხების მოგვარებაზე, კონფლიქტის გადაჭრის საშუალებებზე, კონფლიქტის მქონე საზოგადოებაში მასშედისა და ადამიანის უფლებების დაცვაზე. საზაფხულო სკოლა მიზნად ისახავს პოლიტიკური ანალიზის ხარისხის გაუმჯობესებას შავი ზღვის ქვეყნებთან ურთიერთობის განვითარების თვალსაზრისით, აკადემიური დისკუსიის ხელშეწყობასა და კოოპერატიული ქსელის შექმნას სამოქალაქო საზოგადოებას და ახალგაზრდა პროფესიონალებს შორის.

ბათუმის შოთა რუსთაველის სახელმწიფო უნივერსიტეტის რექტორმა ალიოზა ბაკურიძემ, ბათუმის სახელმწიფო საზღვაო აკადემიის რექტორის მოვალეობის შემსრულებელმა ირაკლი შარაბიძემ, ბათუმის



ხელოვნების სასწავლო უნივერსიტეტის რექტორმა ერმილე მესხიამ და ბათუმის ნავიგაციის სასწავლო უნივერსიტეტის რექტორმა პარმენ ზვედელიძემ თანამშრომლობის მემორანდუმს მოაწერეს ხელი. ხელშეკრულების ფარგლებში განხორციელდება ერთობლივი საგანმანათლებლო პროგრამები და სამეცნიერო პროექტები, ჩატარდება კონფერენციები, სიმპოზიუმები, სემინარები და საზაფხულო სკოლები. მემორანდუმში ასევე ითვალისწინება პროფესორ-მასწავლებლებისა და სტუდენტების ურთიერთგაცვლას, ბაკალავრიატისა და მაგისტრატურის სასწავლო პროგრამების შემუშავებას, კურიკულუმებისა და ზოგადსაუნივერსიტეტო მოდულების შედგენას, ბიბლიოთეკით სარგებლობას. მხარეები იზრუნებენ საგრანტო პროგრამების მოძიებასა და განხორციელებაზე.

საქართველოს რესპუბლიკის პირველი პრეზიდენტის ვაჟმა რეჯებ ჟორდანიამ საჯარო ლექცია წაიკითხა თემაზე: „საქართველოს პირველი რესპუბლიკა, საქართველოს რესპუბლიკის მემკვიდრეობა და დღევანდლობა“.

რეჯებ ჟორდანიამ სტუდენტებსა და პროფესორ-მასწავლებლებს 1918-21 წლების პერიოდზე ესაუბრა, ქვეყნის დამოუკიდებლობის აღდგენასა და დაკარგვასთან დაკავშირებული ისტორიული მოვლენები გააცნო და სტუდენტების შეკითხვებს უპასუხა. ნოე ჟორდანიას შვილი დაიბადა და გაიზარდა პარიზში. პოლიტიკურ მეცნიერებათა სკოლის სტუდენტი და იელის უნივერსიტეტის კურსდამთავრებული, ცხოვრების სხვადასხვა პერიოდში იყო ჰარიმანის ინსტიტუტის მინვეული მეცნიერი, პროფესიონალი პიანისტი, კომპოზიტორი, მწერალი, საზღვაო ისტორიის პროფესორი, საზღვაო მუზეუმის დირექტორი, უცხოური ენების სახელმძღვანელოების ავტორი და რედაქტორი. 91 წლის რეჯებ ჟორდანიამ უნივერსიტეტს მუშაობისთან და ქალიშვილთან ერთად ეწვია.



რეჯებ ჟორდანიამ საჯარო ლექცია წაიკითხა თემაზე: „საქართველოს პირველი რესპუბლიკა, საქართველოს რესპუბლიკის მემკვიდრეობა და დღევანდლობა“.

ბათუმის შოთა რუსთაველის სახელმწიფო უნივერსიტეტის რექტორმა ალიოზა ბაკურიძემ, ბათუმის სახელმწიფო საზღვაო აკადემიის რექტორის მოვალეობის შემსრულებელმა ირაკლი შარაბიძემ, ბათუმის

გარემოს დაცვის საერთაშორისო დღეს მიეძღვნა განათლებისა და მეცნიერებათა ფაკულტეტის ბიოლოგიის სპეციალობის სტუდენტთა ვორკ-შოპი თემაზე: „ჩვენი გარემო ჩვენი ხელშია“.


ლონისძეებში მომავალ ბიოლოგებთან ერთად ჭარნალის საჯარო სკოლის მოსწავლეები მონაწილეობდნენ. ახალგაზრდებმა მოხსენებები გარემოსდაცვის პრობლემებზე, ზღვისპირა აჭარის იშვიათ მცენარეებზე, ცხოვრებასა და მტირალას ეროვნული პარკის ბიომრავალფეროვნების საკითხებზე წარმოადგინეს. ვორკ-შოპი ბიოლოგიის დეპარტამენტის, განათლებისა და მეცნიერებათა ფაკულტეტის სტუდენტთა



ბიომრავალფეროვნების კლუბისა და სტუდენტთა თვითმმართველობის ორგანიზებით გაიმართა.

რეჯებ ჟორდანიამ საჯარო ლექცია წაიკითხა

პროფესორ თეიმურაზ აბესაძის საპატიო დოქტორის წოდება მიენიჭა



აკადემიური საბჭოს გადაწყვეტილებით, ნორვეგიის ტელემარკის უნივერსიტეტის ხელოვნებისა და მეცნიერებათა ფაკულტეტის პროფესორს თეიმურაზ

აბესაძეს ბათუმის შოთა რუსთაველის სახელმწიფო უნივერსიტეტის განვითარებაში შეტანილი წვლილისათვის საპატიო დოქტორის წოდება მიენიჭა. ქართველი მეცნიერის ხელშეწყობით ტურიზმის ფაკულტეტი ახორციელებს საერთაშორისო პროექტს „ნორვეგიაში, საქართველოში და ყირგიზეთში მდგრადი ტურიზმის განვითარებისა და ინოვაციების სფეროში განათლება“. პროექტი ითვალისწინებს ერთობლივი საგანმანათლებლო, სამეცნიერო პროექტების ამოქმედებას და პროფესორ-მასწავლებლების სტაჟირებას. ტურიზმის ფაკულტეტის სტუდენტები გაცვლითი პროგრამების ფარგლებში ავვისტოში ტელემარკის უნივერსიტეტში გაემგზავრებიან. ასევე შემუშავდება კურიკულუმი ინოვაციებისა და სამეცნიერო სწავლების სფეროში. პროფესორ თეიმურაზ აბესაძის ხელშეწყობით მიმდინარეობს ინოვაციური და მდგრადი ტურიზმის განვითარების საკითხების კვლევა.


რეჯებ ჟორდანიამ საჯარო ლექცია წაიკითხა



ცნობილი შვედი დიპლომატისა და საზოგადო მოღვაწის რაულ ვალენბერგის ხსოვნის საღამო გაიმართა. შედგა შვედი გმირისადმი მიძღვნილი დოკუმენტური ფილმის ჩვენება და გაიხსნა მის-

ივე ცხოვრების ამსახველი პოსტერების გამოფენა. უნგრეთის რესპუბლიკის საგანგებო და სრულფუნქციონარმა ელჩმა სანდორ სზაბორმა, ბათუმის ვიცე-მერმა ნათია სურგულაძემ და აჭარის ქართულ-ებრაული ასოციაციის ხელმძღვანელმა ერიკ კრუნიკმა გმირის ცხოვრებასა და მოღვაწეობაზე ისაუბრეს. უნგრეთის საელჩოს და აჭარის ქართულ-ებრაულ ასოციაციის ორგანიზებითი საღამოს მონაწილეებმა პატივი მიაგეს შვედი დიპლომატის ხსოვნას და გმირის სურათთან სანთლები დაანთეს. რაულ ვალენბერგმა მეორე მსოფლიო ომის დროს შედგური პასპორტების გაცემითა და თავშესაფრების - შვედური სახლების საშუალებით ათიათასობით ებრაელი სიკვდილს გადაარჩინა. ღონისძიებას უნივერსიტეტის სტუდენტები, პროფესორ-მასწავლებლები, დიპლომატიური კორპუსისა და საზოგადოების წარმომადგენლები.

უნივერსიტეტს გერმანიის ეკონომიკური თანამშრომლობისა და განვითარების მინისტრი დირკ ნიბელი დელეგაციის წევრებთან ერთად ბათუმის შოთა რუსთაველის სახელმწიფო უნივერსიტეტს ეწვია.



სტუმარი უმაღლესი საგანმანათლებლო დანესებულების რექტორის მოადგილეებს, ადმინისტრაციის ხელმძღვანელსა და ტრენინგის „ტურიზმი მედიუმში“ მონაწილე სტუდენტებს შეხვდა. მინისტრი მედია-ტრენინგის მუშაობის შედეგებს გაეცნო და პროექტის ფარგლებში ტურიზმის თემატიკაზე მომზადებული რეპორტაჟი შეაფასა. ხუთდღიანი სწავლება „დოიჩე ველს“ აკადემიის ორგანიზებით ჩატარდა და III საერთაშორ-



ისო სამეცნიერო-პრაქტიკულ კონფერენციას „მდგრადი ტურიზმი: ეკონომიკა და ბიზნესი“ ეძღვნებოდა.

რეჯებ ჟორდანიამ საჯარო ლექცია წაიკითხა

საპასუხო ვიზიტით უნივერსიტეტის რექტორი, პროფესორი ალიოზა ბაკურიძე იულისის სამეცნიერო ცენტრსა და ლიუბლიანას უნივერსიტეტს ეწვია. ხუთი დღის განმავლობაში უმაღლესი სასწავლებლის პირველი პირი სლოვენის უმაღლესი საგანმანათლებლო დანესებულების რექტორს, საგარეო ურთიერთობათა დეპარტამენტის, ფარმაციის ფაკულტეტისა და გერმანიის სხვადასხვა კვლევითი ინსტიტუტის წარმომადგენლებს შეხვდა. 13-17 აგვისტოს ბათუმის შოთა რუსთაველის სახელმწიფო უნივერსიტეტში იულისის სამეცნიერო ცენტრის ორგანიზებით საბუნებისმეტყველო, საინჟინრო, აგარული მეცნიერებების ათი მიმართულებით საზაფხულო სკოლა გაიმართება, რომელშიც მონაწილეობის მიღება სტუდენტებთან ერთად პროფესორ-მასწავლებლებსაც შეეძლებათ. გერმანიის კვლევით



ცენტრთან სამომავლო თანამშრომლობა მემორანდუმით განისაზღვრება, რომელსაც ზაფხულში მოეწერება ხელი. 2012-2013 სასწავლო წლის დასაწყისში ქიმიის სპეციალობის მაგისტრანტი ლიუბლიანას უნივერსიტეტში გაემგზავრება სასწავლო კურსის გასავლელად.

ბათუმის შოთა რუსთაველის სახელმწიფო უნივერსიტეტის

თანამშრომლობის კლუბი „სკოლა-უნივერსიტეტი“. კლუბი ზოგადსაგანმანათლებლო დანესებულებისა და უმაღლესი სასწავლებლის დაახლოებას, სამეცნიერო მუშაობის სწავლებას, შექმნებითი ღონისძიებების ორგანიზებას, საგანმანათლებლო პროექტების მომზადებას, კულტურული ღონისძიებების ჩატარებასა და ნიჭიერი ახალგაზრდების გამოვლენას ისახავს მიზნად. თანამშრომლობა ხელს შეუწყობს საგანმანათლებლო სივრცეში რეფორმირების პროცესს, გააღრმავებს სტუდენტთა პრაქტიკულ გამოცდილებას და გაზრდის მასწავლებელთა სერტიფიცირების ხარისხს. თანამშრომლობის კლუბი განათლებისა და მეცნიერებათა ფაკულტეტის ორგანიზებით შეიქმნა და მასში განვერიანება ყველა



მსურველს შეეძლება. „სკოლა-უნივერსიტეტი“ პრეზენტაცია კერძო სკოლის ნიკვს მოსწავლეების მიერ მომზადებული თეატრალიზებული წარმოდგენით - „ვაჰ, დრონი, დრონი!“ დასრულდა.



სტუდენტთა ნახატებისა და ნაკეთობების გამოფენა

2012 წლის 25 მაისს იურიდიულ მეცნიერებათა დეპარტამენტის 20 წლის თავისადმი მიძღვნილი სტუდენტთა ნახატებისა და ნაკეთობების გამოფენა გაიხსნა, სადაც წარმოდგენილი იყო სამართალმცოდნეობის სპეციალობის სტუდენტების ნამუშევრები. ისინი, ვინც მოსამართლეობასა და პროკურორობაზე ოცნობენ, აღმოჩნდა რომ მრავალმხრივი ნიჭითაც ყოფილან დაჯილდოებულენ. გამოფენას შოთა რუსთაველის სახელმწიფო უნივერსიტეტის რექტორი, პროფესორი ალიოზა ბაკურიძე და უნივერსიტეტის პროფესორ-მასწავლებლები სტუმრობდნენ. წარმოდგენილი ნამუშევრებმა დიდი შთაბეჭდილება მოახდინა დამთვალიერებელზე.



გამოფენაზე წარმოდგენილი ნამუშევრების ავტორები იყვნენ: ანა რესულიძე, დავით ანანიძე, სოფიკო სონღულაშვილი, ლაშა დავითაძე, თამარ ოგანოვა, ნესტან აბესლაძე,

დენტი ვარ. ხატვა ჩემი ჰობია. ძალიან პატარა ასაკიდან ვხატავ და არც სამხატვრო განათლება მაქვს, მაგრამ სოფიკოსგან განსხვავებით, ამ მიმართულებით კონკურსებში მონაწილეობა



რუსუდან ფალავანიძე, ანა გორგაძე. სწორედ რამდენიმე მათგანი ესაუბრა გაზეთ „ბათუმის უნივერსიტეტს“ და ზოგიერთი საიდუმლოც გაანდო:

სოფიკო სონღულაშვილი 2010 წელს ბათუმის სახელმწიფო უნივერსიტეტში სოციალურ მეცნიერებათა, ბიზნესისა და სამართალმცოდნეობის ფაკულტეტზე ჩაირიცხა. სამართალმცოდნეობის სპეციალობის მეორე კურსის სტუდენტი ამბობს, რომ ხატვა ბავშვობიდანვე იტაცებდა: „დღეს ხატვა ჩემი ჰობია. როგორი დაღლილიც უნდა ვიყო, როცა ვხატავ, ვმშვიდდები და სულიერად ვისვენებ. აქვე აღვნიშნავ, რომ სამხატვრო სკოლაში არ მისწავლია და შესაბამისად, არც სპეციალური განათლება მიმიღია. მიუხედავად ამისა, კონკურსებში მონაწილეობის მიღება ყოველთვის მიტაცებდა. თბილისში, ცისფერ გალარეაში მქონდა ნახატების გამოფენა და საქართველოს მასშტაბით მესამე ადგილი ავიღე. რასაც დღევანდელ გამოფენაზე ხედავთ, ამათგან ნახატი „ჩელოსკინები“ შესულია კატალოგში, ნამუშევარში სახელწოდებით „თათარაობა“, ლაურეატის ნოდება მაქვს მიღებული“.

დავით ანანიძე: „პირველ რიგში, სამართალმცოდნეობის სპეციალობის მეორე კურსის სტუ-

ნამდვილად არ მიმიღია. ასეთი ფართო აუდიტორიის წინაშე ჩემი ნამუშევრები პირველად წარვადგინე. გვიხარია, რომ მიუხედავად ჩვენი არაპროფესიონალიზმისა, გამოფენამ დიდი შთაბეჭდილება დატოვა დამთვალიერებელზე“.

ნახატების გარდა გამოფენაზე ორიგინალურად მოქარგული და ნაქსოვი ნივთებიც იყო წარმოდგენილი. ეს კი **ნესტან აბესლაძის** გატაცებაა: „კინოთი მუშაობა ჩემი საყვარელი საქმიანობაა, რაც 6-7 წლის ასაკში ბებია მასწავლა. თავისუფალ დროს ყოველთვის კინოთი ვარ დაკავებული. ჩემთვის ეს განტირთვის ერთ-ერთი საუკეთესო საშუალებაა“.

ლაშა დავითაძე, რომელიც პირველკურსელია, სასკოლო ასაკიდან ხატავს. სპეციალური განათლება არ მიუღია. იგი მხარდაჭერისთვის ბატონ მურმან გორგოშაძეს მადლობას უხდის. სტუდენტთა ნახატებისა და ხელნაკეთების გამოფენა იურიდიულ მეცნიერებათა დეპარტამენტის ხელმძღვანელმა ბატონმა **მურმან გორგოშაძემ** მოაწყო. საორგანიზაციო საქმიანობა კი სამართალმცოდნეობის სპეციალობის მეორე კურსის სტუდენტმა **მაკა დოლიძემ** უზრუნველყო. ფოტოგამოფენა რამდენიმე დღის განმავლობაში გაგრძელდა.

ახდენილი ოცნება

სიკეთის „ქმნა“ ყველას როდი ძალუძს. იგი რჩეულთა ხვედრია! რჩეულთა ხვედრი, რომლებიც ფიქრობენ, რომ მზე ყველასთვის ერთნაირად ანათებს, რომ ყველას აქვს უფლება, ჰქონდეს საშუალება არსებობის, ცხოვრების

გურპესი, რაც ძალიან საინტერესო სანახავი იყო. შემდეგ ისევ განვაგრძეთ გზა: საოცარი სურნელება ხვდებოდა ყნოსვას, ყვავილების და თაფლის სურნელი ერთმანეთში ირეოდა, კლდეებიდან ჩანჩქერი ეშვებოდა, კავკასიონზე ისევ თოვ-

წინასწარმეტყველის ეკლესია.

ყველაზე მნიშვნელოვანი რაც შემიძლია ვთქვა ის არის, რომ ვიმყოფებოდით სოფელ უშგულში. სიტყვა უშგულის ეტიმოლოგიას „უშიშარ გულს“ უკავშირებენ. კერძოდ ამ სოფლის იქეთ არის ერთი მხრივ რუსეთი, ხოლო მეორე მხარეს ყაბაღდო ბალკანეთი. აქედან კარგად ჩანს მწვერვალი შხარა. აქვე მოვიჩინა ლამარიას ღვთისმშობლის სახელობის ტაძარი, რომელიც X-X საუკუნეებს ეკუთვნის. „ლამარია“ სვანურია და მარიამს ნიშნავს. ტაძარს შემორტყმული აქვს გალავანი, იგი ბაზილიკის ტიპისაა. უშგულში და საერთოდ სვანეთში, უამრავი უცხოელი ტურისტი შეგვხვდა, მათ შორის გერმანელი ექიმი, რომელსაც პირადად ვესაუბრეთ, ფოტოებიც გადავიღეთ. დასასრულს კი მიინდა აღვნიშნო, რომ რამაც დააგვირგვინა ჩვენი ეს სასიამოვნო დღეები — ეს იყო საბაგირო, რომლის საშუალებითაც უზარმაზარ მწვერვალზე ავედით. იქედან მთელი მესტია ხელისგულივით მოჩანდა, იშლებოდა ულამაზესი ხედები. შემდეგ დავბრუნდით ჩვენი მასპინძლის ოჯახში, უღრმესი მადლობა გადავუხადეთ მასპინძლობისათვის და აღფრთოვანებულები, სიახლეებით დატვირთულები 16 ივნისს გამოვემართეთ ბათუმისაკენ, გამოვიარეთ ზუგდიდში და დიანების სახლ-მუზეუმში.



წარმართვის. კეთილი ადამიანები კი ცოტანი არიან, მაგრამ ვიდრე ისინი არიან, ქვეყანაზე ფერადი სხივები მუდამ იარსებებს.

საქართველოს ყოველი კუთხე თავისებურად ლამაზია, თითოეულ მათგანს განსხვავებული ხიბლი და ტრადიციები აქვს. ამიტომ არ მეგულება ადამიანი, რომელსაც ოცნებად არ ჰქონდეს ჩვენი მშვენიერი სამშობლოს ყოველი კუნჭულის დათვალიერება.

ერთხელ ლექციის შემდეგ, თავისუფალ დროს, ჩვენი „მათემატიკის სწავლების მეთოდის“ ლექტორი ასოცირებული პროფესორი ბატონი შოთა მახარაძე გვიყვებოდა იმ ექსკურსიის შესახებ, რომელიც მოაწყო სვანეთში გასულ წელს დაწყებითი განათლების სპეციალობის III, ახლანდელი V კურსისთვის. გვესაუბრებოდა იმ საოცარი ბუნების შესახებ, რომელიც ღმერთმა სვანეთს უხვად უბოძა. სტუდენტებს თან ახლდა ჩვენი კურატორი, ასისტენტ პროფესორი დარეჯან გელაძე, რომელმაც წელს ძალიან დიდი სურვილი გამოთქვა, რომ ჩვენც გვენახა ეს საოცარი ადგილები. გეგმის განხორციელება ძალიან დიდ ხარჯებთან იყო დაკავშირებული. ამ პრობლემური საკითხის მოგვარებას ბატონი შოთა მახარაძე შეგვიპირდა, ამიტომ სურვილიც ბევრმა გამოთქვა. ჩვენ დიდი სიხარულით ველოდებოდით ამ დღეებს, რადგან ბატონი შოთა ის პიროვნებაა, რომელიც დაპირებას ყოველთვის ასრულებს.



ლი მოჩანდა. ცამდე აწვდილი ქედები ტყით დაბურულიყო, მწვანეში გახვეულიყო არემარე, ამ საოცნების მნახველს შეუძლებელია არ ეთქვა: „დაილოცოს ჩვენი მადლიანი საქართველო“.

სანამ მესტიაში შევიდოდით, გაჭერდით სოფელ ლატალში ბატონი შოთას ძმადნაფიცის მუხრან გირგვლიანის ოჯახში. გაგვაცოცხა მათმა სტუმართმასპინძლობამ, ორმოც კაცს სახლის კარი გაგვიღეს და სამი დღის განმავლობაში ყურადღებას არ გვაკლებდნენ. ამ ოჯახისაგან შევიტყვეთ, რომ ჩვენ ვიმყოფებოდით უბატონო სვანეთში, სადაც ჯერ არავის უბატონია, რომელიც ჯერ



გეოგრაფიული მდებარეობით, ხოლო შემდეგ ამ ხალხის ძალიან დიდი სიამაყით არის გამორჩეული. ასევე მათ სიძლიერეზე ძალიან დიდ გავლენას ახდენდა სვანური კოშკები, რომელიც საუკეთესო თავდაცვით საშუალებას წარმოადგენდა. ჩვენ პირადად მოვიჩინა ულეთ სვანური კოშკები და დავრწმუნდით, რომ ეს მხარე განსაკუთრებით მდიდარია კულტურული ღირსშესანიშნაობებით. კერძოდ, სოფელ ლატალში ვნახეთ მაცხოვრის ამბლების ეკლესია, რომელიც X-XII საუკუნეებით თარიღდება. აქვე ვნახეთ ის საოცარი ადგილები, სადაც გადაღებულია პოპულარული ქართული ფილმები „სვანი“. ვნახეთ იოანე

თურმე ყოფიან ქვეყანაზე ადამიანები, რომლებსაც შეუძლიათ სტუდენტების გულის გათბობა და სასიკეთო საქმეების კეთება, ღმერთმა გვიმრავლოს ასეთი ლექტორები, უფალი იყოს მათი შემწე.

დაწყებითი განათლების კურსი ძალიან დიდ მადლობას

გისდით ოცნების ახდენისთვის. ეს დღეები მთელი ცხოვრების მანძილზე დაუვიწყარი იქნება ჩვენთვის

გმადლობთ, ეს ძალიან პატარა სიტყვაა, მაგრამ არ არსებობს სიტყვები, რომლებსაც შეეძლება გამოხატონ ჩვენი მადლიერება და აღწერონ გრძნობა, რაც თქვენს მიმართ გვაქვს ბატონო შოთა და ქალბატონო დარეჯან. ამიტომ, მხოლოდ ამ უბრალო, მაგრამ ჯადოსნური სიტყვით მოგმართავთ — „გმადლობთ, მთელი გულით გმადლობთ“!

დაწყებითი განათლების სპეციალობის III კურსის სახელით

მარიანე რომანაძე



ნაწუქარი წიგნები

შანშე დარჩიაშვილი — „ძიებანი ქართულ-სომხური ურთიერთობების ისტორიიდან“



მასში თავმოყრილია სომხური ლაპიდარული წარწერების ცნობები საქართველოს შესახებ XII-XIII საუკუნეების პირველ მესამედში. გამომც. თბ. არტანუჯი 2010.

ზოგიერთი სომხური წარწერა, მიწერილი ნაგებობებზე და დათარიღებული ზუსტად ან მიახლოებით, ქრონოლოგიურად არ ეკუთვნის იმ დროს მაშინაც კი, როდესაც ისინი შინაარსით ორიგინალურ წარმოდგენენ ისინი გადანერვილია. წარწერებს აკეთებდნენ ეკლესიების გადაკეთებისას ან კიდევ პერგამენტიდან, განსაკუთრებით როცა გავრცელდა სხვადასხვა აქტის მიწერა ტაძრებსა და ნაგებობებზე.

ეს წიგნი არის ერთ-ერთი პირველი ცდა სომხურ წარწერათა შესწავლისა. წიგნში გადმოცემულია სომხური ლაპიდარული წარწერების მონაცემების კომენტირება საქართველოს ისტორიასთან მიმართებაში, განხილულია მხოლოდ სოციალურ-ეკონომიკური, დიპლომატიური და პოლიტიკური ხასიათის საკითხები.

ნაშრომის ქვედა ქრონოლოგიურ ზღვრად აღებულია XII საუკუნე, რადგან ამ პერიოდში მომრავლდა სომხურ წარწერებში ცნობები საქართველოს შესახებ, ხოლო ზედა ქრონოლოგიური ზღვარი XIII საუკუნის პირველი მესამედი, რადგან ამ ხანიდან დგება ახალი პერიოდი ამიერკავკასიის პოლიტიკური ცხოვრებისა და საქართველო-სომხეთის ურთიერთობაშიც ახალი საფეხური იწყება.

აქ არ არის მოცემული 1222 წლით დათარიღებული ორბელთა განდევნილი შთამომავლის-ლიპარიტის სახელით შესრულებული ნორავანქის სომხური წარწერა, რადგან ეს საკითხი შეისწავლა ნ. ბერძენიშვილმა ნაშრომში „ეპიზოდი ფეოდალურ საგვარეულოთა სამამულო ბრძოლიდან XIII საუკუნის საქართველოში“.

XIII საუკუნის სომეხი ისტორიკოსები — კირაკოს განძაკევი და სტეფანოს ორბელიანი სომხურ ეპიგრა-

ფულ მასალებს იყენებდნენ თავიანთი მონათხრობის დასამტკიცებლად. ივ. ჯავახიშვილის, ს. ჯანაშიას, ს. კაკაბაძის, ნ. შოშიაშვილის სპეციალურ კვლევის საგანს არ წარმოადგენდა სომხური წარწერები, მაგრამ ისინი იყენებდნენ სომხურ ლაპიდარულ წარწერებს. სომხურ ისტორიოგრაფიას დიდი ღვაწლი დასდეს ჰ. შაჰხათუნიალის, სარგის ჯალალიანტის, ნერსეს სარგისიანის კოსტანიანტის მიერ შედგენილმა კრებულებმა, საიდანაც სარგებლობდნენ ლევონდ ალიშანი, ნიკიტა ემინი, ერვანდ ლალიანი. სომხური ეპიგრაფიკით XIX-XX საუკუნეებში დაინტერესდა რუსული არქეოლოგიური საზოგადოების აღმოსავლური განყოფილება, სომხური ეთნოგრაფიული საზოგადოება. სამეცნიერო ჟურნალებში იბეჭდებოდა ნ. მარის, ქუჩუკ იოანესოვის, გ. ოვსეფიანის და სხვათა შრომები. აღსანიშნავია ი.ორბელის და ნ. მარის ინიციატივით მოწყობილი ანისის არქეოლოგიური ექსპედიციის დროს შეგროვილი წარწერები. კ. ჯაფარიანიმა გამოაქვეყნა ჰალბატის, სანაპონისა და ჰოვჰანავანის მონასტრის წარწერები. ამ მხრივ აღსანიშნავია ს. ერემიანის, ლ. მელიქსეთ-ბეგის, რ. ქანფოლაიანის და ა. შაგინიანის შრომები.

სომხური წარწერების უდიდესი ნაწილი მთავრდება წყევლა-კრულვით, რაც საერთოდ დამახასიათებელია ძველი აღმოსავლური ტექსტებისთვის. უძველესია ტეკორის ტაძრის წარწერა (V საუკ.). წარწერები შინაარსის მიხედვით სამ ჯგუფად იყოფა: 1. სამშენებლო; 2. ნაჩუქრობის; 3. ოფიციალური.

XII საუკუნის დავით აღმაშენებლის დროინდელი ჰალბატის მონასტრის შეუვალობის შინაარსის მქონე წარწერების თანახმად, ჰალბატისა და სანაპონის მონასტრების საგადასახადო შეუვალობა დარღვეული ყოფილა და დავით აღმაშენებელს აღუდგენია ამ მონასტრების პირვანდელი სამფლობელოები და შეუვალობის საბუთიც მიუცია მისთვის. წარწერა 1123-1125 წლით თარიღდება. გადასახადები სომხური ეკლესიებიდან საქართველოს სახელმწიფო ხაზინაში შემოდიოდა.

1240 წელს მონღოლთა ლაშქრის წინამძღოლ ასლან ნოინს ქართველ ორბელთა გასომხებული შთამომავალი ელიგუმ ორბელიანი მორჩილებისთვის დაუჯილდოვებია მიწებით გარნიისის პირდაპირ. ნ. ბერძენიშვილს ეს შეუძლებლად მიაჩნია, ფეოდალურ საქართველოში არსებული იურიდიული ნორმებიდან გამომდინარე რამდენადაც სომხეთის ტერიტორია ამ დროისათვის საქართველოს სახელმწიფოში შემოდიოდა და იქ ქართული სამართლის ნორმები მოქმედებდა. ზაქარია მხარგრძელმა, როდესაც ჰალბატის მონასტრს სოფლები შესწირა, წარწერის კრულობით ნაწილ-ით (წყევლა-კრულვა) მისი გაყიდვა, გაჩუქება, გადაცემა აკრძალა („მისი სული სატანის იყოს“).

სომხური ეპიგრაფიკა საინტერესოა არა მარტო საქართველოს სო-

ციალურ-ეკონომიკური და პოლიტიკური ისტორიის შესასწავლად, არამედ დიპლომატიკური ტერმინების დასადგენადაც.

ივ. ჯავახიშვილის მტკიცებით XI-XV საუკუნის ქართული სამეფო საბუთების აღმნიშვნელი ზოგადი ტერმინია „სიგელი“. ეს ტერმინი ქართულ და სომხურ დიპლომატიკაში ერთდროულად ჩნდება. სომხურში პირველად იგი გვხვდება სომხეთის მეფის — სუმბატ ბაგრატიუნის 979 წლის ეპიგრაფიკულ საბუთებში.

XIII საუკუნის სომეხი ისტორიკოსი სტეფანოს ორბელიანი თავის „სივნიეთის ისტორიაში“ მოგვითხრობს დავით აღმაშენებლის სპასალარის, ივანე ორბელის მიერ თურქთა ბატონობისაგან სომხური ოლქების გათავისუფლების შესახებ.

ქართულ-სომხურ დიპლომატიკაში გამოიყენებოდა „სამამულო დაწერილი სიგელი“ (სამემკვიდრეო), „წიგნი“, „წერილი“. აარონ მაგისტროსი აღნიშნავს, რომ მან ბიზანტიის დედოფლისაგან მოიტანა ოქრობეჭდიანი თავისუფლების წიგნი (საბუთი ანისის მცხოვრებთა გადასახადებისგან გათავისუფლების შესახებ, ქართულში შეწყალებას, გადასახადებისგან ანდა სასამართლოსაგან „სიგელი შეუვალობისა“ ერქვა, საბუთების ერთ ჯგუფს „სიმტკიცის წიგნი ეწოდებოდა, ასევე „უტყუარი გადაწყვეტილება“, „ურდვევი პირობა, პირობის წიგნი“, „სახსოვრის წიგნი“, „წყალობის წიგნი“.

განკარგულების შემცველი საბუთის აღმნიშვნელი ტერმინია „ბრძანება“, რომლის გაცემა შეეძლო მხოლოდ მეფეს, კათალიკოსს და უმაღლესი თანამდებობის მოხელეებს.

შეიმჩნევა ბიზანტიის გავლენაც. ბიზანტიაში სამეფო საბუთების აღსანიშნავად ტერმინი „ხრისობულოს ლოგოს“ იხმარებოდა, რაც ოქროსბეჭდიან საბუთს აღნიშნავდა, სომხურს კალკია „ოქრობეჭდი“ (ვოსკი მატანი სომხურად).

ნაშრომის ბოლოს წარმოგიდგენია ანისის და ჰალბატის მონასტრების სომხური წარწერები, რომელშიც მოხსენიებული არიან დავით აღმაშენებელი და თამარ მეფე: ჰალბატის (ჩრ. სომხეთი) 1121 წლის წარწერა: „თვითმპყრობელმძღვე და კეთილმსახური მეფე დავითის დროს, გიორგის ძისა, ძისა ბაგრატიისა, რომელმაც დაიპყრო მხარენი და ნათესავნი, იყო მზრუნველი ჰალბატისა და სანაპონისა, აღსავსე ტკბილი და კეთილი ღმრთისმსახურებით“ ჰალბატი აოხრების სიბნელისაგან გაათავისუფლა და შესწირა ამ წმინდა ეკლესიას ვენახი, სოფელი ყოველივე მიწითა და სანახებითა“.

ანისის 1207 წლის წარწერა: „ღმრთით კურთხეულ და კეთილმსახურ, დედოფალთ დედოფლის თამარის დროს მე, მისმა ერთგულმა მონამ დიდი იზხანთ იზხანის ამირსპასალარ სარგის მხარგრძელის ძემ, მანდატურ-თუხუცეს ამირსპასალარ შაჰანშაჰ ზაქარიამ ღმრთის სურვილით აღვმართე სვეტი“.

გურამ მაისურაძე „ქართულ-სომხური ურთიერთობის ისტორიოგრაფიიდან“ თბ. 2008 წ.

„მოქცევაი ქართლისაის“ კრებულში შესული „წმ. ნინოს“ ცხოვრებით ქართულსა და წმინდა ნინოს მნიშვნელობა აღმოსავლეთის საქრისტიანოს წინაშე გაცილებით დიდია, ვიდრე სომხეთისა და მისი განმანათლებლის — გრიგოლ პართელისა (გვ. 281) ქრისტიანული რწმენის სიძველითაც, აღნიშნავს გურამ მაისურაძე, ქართლი წინ უსწრებს სომხეთს, რამდენადაც ქართლისა განსაკუთრებული როლი ქრისტიანობის გავრცელებაში წინასწარ იყო განსაზღვრული და ქართლის ამ უპირატესობას თვით აღიარებს დვინელი სომეხი მიაფორიც, ამიტომ მოხდა რომ ქრისტიანული რწმენის ჩასახვისას სომხეთი მთლიანად ქართლზე აღმოჩნდა დამოკიდებული, ვინაიდან სომხეთა ეკლესიის საფუძველი იმ ადამიანთა ძვლებზე დაიდო, რომლებიც ნინოს მიერ იყვნენ მოქცეულნი (რიფსიმეანელების და მათთან ერთად მოველინენ სომხეთს კ. კეკელიძე).

პროფესორ მარინა გიორგაძის მიერ თარგმნილი გაიუს სვეტონიუს ტრანკვილუსის ისტორიული ნაწარმოები „კეისრები“ ქართულ ენაზე ამ



წიგნის გამოცემის პირველი ცდაა. სამწუხაროდ, ქართველი საზოგადოებისთვის დღემდე თითქმის უცნობი იყო ლათინელი მწერლის შემოქმედება. ქალბატონ მარინა გიორგაძის მიერ თარგმნილი 12 კეისრის ცხოვრება წარმოადგენს სვეტონიუსის უმთავრეს ნაშრომს. მისასაღმებელია ის ფაქტი, რომ სვეტონიუსის კეისრები ნათარგმნია უშუალოდ დედნიდან. მასში ისტორიული სიზუსტითა და თანმიმდევრობით არის გადმოცემული ექვსი კეისრის ცხოვრება და მოღვაწეობა. თარგმანი დიდი ინტერესით იკითხება, რასაც ხელს უწყობს მთარგმნელის მდიდარი ლექსიკა და გადმოცემის ოსტატობა. წიგნს თან ერთვის პოლიტიკურ ტერმინთა განმარტებები. პროფესორ მარინა გიორგაძის თარგმნილი წიგნი „კეისრები“ დიდ დახმარებას გაუწევს ძველი მსოფლიოს ისტორიით დაინტერესებულ მკითხველს.

გვერდი მოამზადა

მირაზ ვეზრაიშვილი

რედაქტორი:
იოსებ სანიქია
საგამომცემო:
ნესტან ვაჟაშვილი



საქართველო ქობულაძე:
იური ზიგაიშვილი
ზინოიკი დინაშვილი
ეკიკა ფაჩავა
ნანა მახსარიანი
მირაზ ვეზრაიშვილი

გაზეთი დინაშვილი
სს „პოლიგრაფიკონი“
27-59-10, 27-59-11
მის.: ქ. პათუნი,
პროკილაქის 91